



Rabu, 24 Februari 2021

Ogen: Johanes 8:12



"Terang Doni"



Adi sinin kerna perkembangan jaman enda, ngerana kerna terang, lampu si ugapana pe lit gundari diciptaken. Gelap pe si akap, nggo melala jenis alat penerang. Renungenta enda ercakup kerna terang doni. Kai nge situhuna terang doni e? Nina Johannes 8:12, Yesus me terang doni e. Kalak singgit ngikutken Yesus, lanai ia erdalan ibas kegelapen. Yesus me terang doni rasa lalap melebihi terangna alat penerang si lit diciptaken bas doni enda. Terang e ngasup mabai kita erdalan bas dalanNa. Lit sada novel, judulna Darkness karya, Jhon Chard ituriken novel enda me kerna kisah sada kota, si tiba-tiba kota e gelap seh piga-piga tahun. La Pernah reh matawari, tapi tetap sinuan-sinuan banci turah. Kai pe sembah-sembahen ku dibatana nggo ibahanna guna mindo reh me terang, tapi tetap la reh. Emaka lit sekalah tua-tua ernipi, bas nipina ngerana nina sekalak jelma silaitandaina, nina : "kota e banci ka terang, tapi kerina jelma bas kota e arus erpuasa, lanai banci ndarat berngi, lanai banci mbelasken kata-kata sila mehuli, ras tiap wari sabtu arus ipalu lonceng bas gereja". Emaka ituriken tua-tua e me kerna nipina man anak kuta, perban kai pe sedekah enda nggo iupayaken gelah reh terang, emaka nipi sekalak tua-tua enda ndai pe idalanken anak kuta. Seminggu idalanken anak kuta kerna nipi ndai, wari si pewaluhken reh me terang ndai. Terang doni, eme terang arah Dibata nari, pindolah terang e baNa, gelah ulanai kita erdalan bas gelapna doni.

Bali bagi sekalak pentang singgo erpuluh-puluh tahun la banci ngenin rupa doni enda, seh kel tedehna ngenin terang. Igejapkenna tuhu la ia senang erdalan bas gelap e, mesera iakapna erkai pe, nggo gejapkenna tuhu-tuhu gelap e maba kiniseran si mberat. Uga kita? Pernah nge sigejapken terang e tuhu-tuhu mabai kegeluhen bagi sura-sura Dibata? Entah sedekah enda, la pernah sigejapken terang e rehna arah Yesus nari? Adi lit perbahanenta la bagi sura-suraNa arusna terang e ngasup mpersingeti kita guna ngelakoken si terang, sisikap simehulina ilebe-lebe Dibata.